

Kei te Whārangi Tārua 8-27 ētahi hoahoa rerenga hei whakamahi māu ina hiahiatia.

1. Ko te 10% te whakahekenga utu mō tētahi pouaka whakaata, ā, ka utua e Ani te \$702. E hia te utu i mua i te whakahekenga?

Ngā whiriwhiringa:

2. Ka tukuna e Hēmi te \$123 hei utu i tana hiko. Kei roto i taua \$123 te 15% tāke hokohoko. E hia tāra te tāke hokohoko?

Ngā whiriwhiringa:

3. E \$350 te utu mō tētahi pūrere kōpae ataata. Ka whakahekea te utu mā te 10%. Ko te 15% tāke hokohoko (GST) kei roto i te utu ka tukuna e Pirihira. Ina tangohia taua 15% tāke hokohoko, e hia te utu ka utua e Pirihira?

Ngā whiriwhiringa:

4. E 5% te whakahekenga utu mō tētahi papawīra. \$150 te utu ka utua e Hori. Ko te 15% tāke hokohoko kei roto i taua \$150. E hia tāra te tāke hokohoko? He aha te utu o te papawīra i mua i te whakahekenga?

Ngā whiriwhiringa:

5. He maha ngā pūrere pāera wai ka hokona e Huriana, hei hoko atu anō māna i tana toa. E \$20.00 te utu mō ia pūrere ka utua e Huriana, me te kore o te tāke hokohoko kei roto i taua \$20.00. E 35% te whakapikinga utu, kātahi ka tāpiria te 15% tāke hokohoko. He 5% te whakahekenga utu ki te hunga kaumātua. He aha te utu hei hoko mā tētahi kaumātua i tētahi pūrere pāera wai?

Ngā whiriwhiringa: